

Калыклэн дышетісез

Виктория КРАМОВА

4-тй толсуре Йёскалык библиотекаын ортчиз Владимир Владыкин тодосчиен, кылбурчиен пумиськон.

Таяз арын со 75 арес тырмонзэ пусйиз, нош «Удмуртия» издательствоын потйз солэн «Религиозно-мифологическая картина мира удмуртов» но «Диалог продолжается» книгаосыз.

Нырысетйез печатламын вал ини 1994-тй арын. Соку, библиотекае вуэм тросэз кунос пусъемъя, та книга удмуртгёслэн улонысьтызы трос выльзэ усътйз, но али но монография кулэлыксэ өзышты: лыдзись туалла вакы-

тысь юангёслы валэктонгёс отысь шедьтоз.

2013-тй арын Владимир Владыкинлэн потйз «Монолог в диалогах» книгаез, отчы пыризы 2 тодосчиослэн, Владимир Владыкинлэн но Алексей Арзамазовлэн, вераскемгёссы. 5 ар ортчыса, книгалэн 2-тй люкетэз - «Диалог продолжается» - потйз. Таиз но книга малпаськытоз лыдзисьсэ визьмо кенешонгёсыныз.

Кема аргёс чоже Владимир Емельянович ужаз Удмурт кун университетын. Сое жечкыланы лыктйзы азьвыл дышетскисьсез. Владимир Владыкин солы тупась лякыт серекъян манереныз пусйиз, мукет профессоргёс солы вожъясько шу-

ыса, малы ке шуоно тросэз студентгёссыз кивалтйсьёс но сйё-дано адымиос луэмын. Книгаосыз пыр Владимир Емельянович лыдъянтэм трос муртэ визьнодамын угось. Нациосын ужан политика министр Лариса Буранова Владимир Владыкинэз «улонъя учебник» нимаз.

Пумиськонын Владимир Емельянович вераз семьяез, улон сюресэз, дышетскемез, ужез сярсысь. Мыным, пе, удалтйз дышетскыны Можгалась педучилищын, кудйз таяз арын пусъе 100 ар тырмонзэ. Дышетйсьсэ жечкыланы вуиз Олег Чувашов, Можга ёросысь Пазял школалэн директорез. Владимир Владыкинлэн мукет азьвыл студентэз, история

наукаосъя кандидат Алексей Шепталин, тодаз вайиз, кызы тодосчи котькуд нунал лекциосаз этнография тачак книга вае вал. Студентгёс, пе, соосты лыдзыны курыло вал - тросэз книгаос Владимир Емельянович доры берытскиллямтэ ини. Азьло, вераз ачиз тодосчи, университетын этнография книгаос уг тырмо вал, до раз соос уногес выльллям. Владимир Владыкин сюлмаськемъя удмурт этнография азинскиз, нош Ижкар этнография одйгез валтйсь центр луиз.

Пётр Ёлкин - Удмурт Элькунысь калык суредась - мадиз Владимир Владыкинэн тодматскемез но сое суредамез сярсысь. Серекъя-

яны яратйсь, шоголь писосмуртлэсь Пётр Ёлкин нырысь кепырам. Владимир Владыкинлы художник азын 14 нунал пуконо луэм. Пётр Ёлкин серекъяса вера, тодосчиез со натурщиклэн ужезлы дышетйз шуыса.

Жытлэн пумаз Владимир Емельяновичлы «Йёскалык библиотекалэн дано лыдзиськисез» гадьпус бырттйзы. Культура но туризмъя министр Владимир Соловьёв оскытйз: матысь дыре библиотекалэн тупатъям юртэз усътйськоз. Выльдэм юртэз одно ик Владимир Владыкинлэн выль книгаезлэн презентациеныз усътоно, мылкыд сётйз министр. ***